

«Խնամի դու խոշ ես եկել,  
 Դարդակ ու բոշ ես եկել,  
 Երկու բլոճ ես բերել,  
 Էն էլ ճամբին ես կերել.  
 Բերածդ է կանանչ կապայ  
 Թևերն ու փէշը ծակ ա.  
 Խնամի, դու խոշ ես եկել,  
 Դարդակ ու բոշ ես եկել <sup>1)</sup>»:

Այդ տեսակ վիրաւորանքներից մէկն էլ «քօլրոզ» փախցնելն է, որ, ինչպէս մեզ արդէն յայտնի է, տեղի է ունենում Բուլանըխում: Գլխարկ փախցնելու սովորութիւնը զարմանալի նմանութեամբ գոյութիւն ունի նաև Կովկասում Օսերի մէջ <sup>2)</sup>: Նոյն Բուլանըխում, երբ հարսնածի խումբը իջեանում է հարսի գիւղում, «հարսնած հիւրասիրտոց տանտէրերը մեծ զգուշութիւն կրբանեցնեն, թշնամի մարդիկը հարսնածի ձիերու պոչերը չկտրեն, որ մեծ անպատուութիւն և անարգանք է, և ինչպէս շատ անգամ պատահել է, այդ կերպ անարգուած անձինք սրտի կսկիծէն մեռեր են»: Նոյն կեղծ վիրաւորանքի պատկերն է ներկայացնում Բուլանըխում կատարուող հետեւեալ սովորութիւնը: «Թափօրից դուրս, երեսայքը երեսներին ալիւր քսած տեսակ տեսակ ծամածուծութիւններ ու միմասութիւններ անելով կրվագովգեն այս ու այն կողմը. փեսայի մերձաւորներից մէկը, իշու վրայ հեծցնելով՝ պոչը կուտան ձեռքը ու չորս կողմից ձնթոփ ու քարէ կոշտեր կուտան հս կուտան խեղճի գլխուն ու արևուն, բայց նա ոչ ոքի խաթրին չզրկուի հասարակութեանը գուարճութիւն պատճառելու համար» <sup>3)</sup>:

Զէյթունում, երբ հարսին դուրս կրտանեն տանից,

<sup>1)</sup> Քաջբերունի՝ Հայկական սովորութիւններ—«Ազգագրական Հանդէս» 1901 թ. գիրք VII և VIII

<sup>2)</sup> Максимъ Ковалевскій—Древній законъ и современный обычай, т' 1 стр. 250.

<sup>3)</sup> Բուլանըխ,—Ազգագր. Հանդէս, 1899 թ. գիրք Ե.